



САМУРДИН

ссс

«Магъарамдхуьруьн район» МР-дин общественно-политический газет.
Общественно-политическая газета МР «Магъарамкентский район».

Тешкилайди: «Магъарамдхуьруьн район» МР.

Газет 1951- йисалай акъатзава. № 28 (7744) киш, 4- июль, 2015- йис. Къимет 6 манат.

МР-ДИН АДМИНИСТРАЦИЯДА

ХУШ ВАКЪИАДИЛАЙ БАШЛАМИШНА

29-ИЮНДИЗ кыле феи муниципальный райондин администрациядин аппаратдин работникрин совещание муниципальный райондин Кыл Фарид Агъмедова хуш вакъиадилай башламишна. Спортда къазанмишнавай члехи агалкъунрай жегыл къуд районгъгли тебрикна ва абур гевесламишна. Кылди къачуртла, къайдаяр авачир женгерай дуьньядин чемпион Гъасанов Эльдараз (Чаччарин хуьр) «Магъарамдхуьруьн район вилик тухуник хуси пай кутунай» хурудал эцигдай знак, женгинин единоборствойрай дуьньядин этапдин гъалибчи Нажмудинов Расимаз (Магъарамдхуьр)-азаддиз къуршахар къунай Дагъустандин чемпио-

нар тир Залов Элмараз (Къуьйуьстан) ва Зингъаров Маратаз (Ярагъкъазмаяр) физкультура ва спорт вилик тухунин, жегылприн арада уьмуьрдин сагълам чешне пропаганда авунин карда лайхлувилерай муниципальный райондин Гъуьрметдин грамотаяр ва конвертар гана.

Ахпа совещаниедал образованиедин управлениедин начальник У.Абейдуллаеван, финансрин управлениедин начальник Э.Ферзилаеван, «Хуьруьн майишатдин отдел» МКУ-дин директор, хуьруьн майишатдин илимрин кандидат Н.Ибрагъимован, ОВД-дин начальникдин заместитель, полициядин подполковник Г.Эфендиеван ва масабурин информацийрихъ яб акална.

ГЪАХЪ-ГЪИСАБДИН ЗАСЕДАНИЕ

30- ИЮНДИЗ муниципальный райондин администрациядин заседанийрин залда райондин администрациядин жавабдар работникрин, райондин идарайрин ва карханайрин руководителрин, хуьрерин поселенийрин администрацийрин кылерин, общественный организациондин векилрин иштираквал аваз терроризмдиз акси комиссияди 2015- йисан сад лагъай паюна авур къвалахдин гъахъ-гъисабдин гегъенш заседание кыле фена.

Заседание «Магъарамдхуьруьн район» муниципальный райондин кыл, терроризмдиз акси комиссиядин председатель Фарид Агъмедова ачухна ва доклад авун патал гаф райондин администрациядин кылдин заместитель, терроризмдиз акси комиссиядин секретарь З. Азимоваз гана. Адан докладдай малум хъайивал, терроризмдиз, диндин экстремизмдиз акси къвалах тухуниз, абурун активвал тамамви-

лелди хкаждавал чи районда къетлен фикир гузва. Къейд авун лазим я хъи, Магъарамдхуьруьн район секин, агъалийри закондал амалзавай районрик акатзава. Ина терроризмдиз аксивалдай комиссияни кардик кваз са шумуд йис я. Ада районда къайдаяр хуьдай органрихъ, диндин тешкилатрихъ галаз санал къвалахзава ва терроризмдин вилик пад къадай серенжемар тайинарзава, уьмуьрдиз кечирмишзава. Терроризмдиз аксивалдай комиссияди саки гъар вацра заседанияр тухузва, терроризмдиз акси яз районда тешкилзавай къвалахдин гъахъ-гъисаб ийизва ва и важиблу месэладиз талукъ тир къарарни къабулзава, талукъ ксаривай, руководителривай истемисунар ийизва.

Виридаз малум тирвал, районда промышленностдин карханаяр авач. Жегылпризни исятда салара, багълара къвалахиз къамач. Абуруз къезил ва гзаф пул къведай къвалахар къанзава. Гъа и кар себеб

яз бязи жегилар члуру дестейривни агатзава. Абуру чпин эхир гъихътинди жедатла фикир ийизвач. Чна ихътин къвалахар фикирда къуна терроризмдихъ, диндин экстремизмдихъ галаз чаз авай вири жуьредин мумкинвилерикай менфят къачуна женг члугвазва ва абурун вилик пад къун чи виридан везифани я.

З. Азимова авур докладдин винел «Магъарамдхуьруьн район» МР-дин кыл, терроризмдиз акси комиссиядин председатель Ф. Агъмедов, райондин общественный палатадин председатель А. Нагъметуллаев, райондин прокурор М. Къазиагъмедов, РОВД-дин начальникдин заместитель Г. Эфендиев, райондин имамрин Советдин председатель С. Пашаев ва масабур рахана.

Гъалай месэладин винел талукъ къарар къабулна.

Р. МУРАДАЛИЕВ.

ТАФАВАТЛУ ХЪАЙИБУРУЗ-МЕДАЛАР



30- ИЮНДИЗ райондин администрациядин заседанийрин залда 2014-2015-келунин йисуз тафаватлу хъайи 30 аялдив къизилдин медалар шад гълара вахкана.

И шад мярекат «Магъарамдхуруьн район» МР-дин къил Фарид Агъмедова ачужна. И дережадив агакун патал куьне яргъл, залан рехъ атлана, къейдна Фарид Загъидиновича тебрикдин гаф рахдайла. -Вири чи медалистар олимпиадайрин, конкурсрин, яратмишунрин конференцийрин гъалибчияр я. Месе ла, чи выпускник Жаруллаев Руслан Фейзудинович РФ-дин бажарагъ авай жегилриз къуват гузвай премиядин лауреат, вад сеферда республикадин олимпиадайрин гъалибчи я. 2014-

йисуз дидед члалай республикадин олимпиадада I-чка къур Элина Буржалиева, республикадин конкурсдин призер Ирена Сардарова хътин аялрал чна дамахзава. ЕГЭ-рай хъсан нетижаяр къазанмишай, урус члалай 92 балл къачур Луиза Пашаева, Беневша Гъамзатова, 90 балл къачур Диана Маллаева, 87 балл къачур Эльнара Гъалимова, 82 балл къачур Ирена Сардарова, Марьям Магъамедминова, 79 балл къачур Элина Буржалиева ва 76 балл къачур Зарина Ибрагъимова хътин аялриз чна баркалла ва аферин лугъузва.

Фарид Загъидиновича вичин ва райондин депутатрин Собраниедин тварунихъай акъалтзавай несилдиз хъсан чирвилер гайи, абур и дережадив акъудай малимриз ва ихътин тербиялу веледар члехи

авур диде-бубайриз чухсагъл малумарна ва медалистриз и шад вакъиа мад сеферда тебрик авуналди абуруз чпин хайи хуьр, школа рикелай ракъур тавун таъкимарна, къилин образование къачурдалай къулухъ элкъвена хтун гуьзетзавайди лагъана.

Ахпа Фарид Загъидиновича гъар са медалистдив тафаватлувлин аттестат, къизилдин медаль ва пишкешар вахкана.

Гуьгъунлай гаф гана рахай УО-дин начальник У. Абейдуллаева, Гъепцегърин юкъван школадин директор А. Адиева, «Йисан выпускник» тварцин, къизилдин медалдин сагъиб Р. Жаруллаева, выпускникдин буба М. Ибрагъимова (Къепиркъазмаяр) накъан школьникри къе члехи уьмуьрдиз къачузвай камар мягъкембур, гележег авайбур жедайдал инанмиш тирди лагъана ва аялрал зегъмет члугур вирибуруз чухсагъл малумарна.

Мярекатдилай гуьгъуьниз рикI шадвилдин гъиссерив ацанвай медалистри МР-дин къилихъ, малимрихъ диде-бубайрихъ галаз рикел аламукъдай шикилар яна.

А. АЙДЕМИРОВА.

Шикилра: «Йисан выпускник» Р.Жаруллаев ва «Магъарамдхуруьн район» МР-дин къилихъ галаз медалистри шикилар язавай вахт



В ПРОКУРАТУРЕ РАЙОНА

По материалам проверки прокуратуры района возбуждено уголовное дело по факту реализации алкогольной продукции, не отвечающей требованиям безопасности

Прокуратура Магарамкентского района провела проверку по обращению местного жителя по факту сбыта товаров, не отвечающих требованиям безопасности жизни и здоровья потребителей.

Заявление для проведения оперативно-розыскных мероприятий по установлению события преступления и изобличения лица, виновного в его совершении, направлено в ОМВД России по Магарамкентскому району.

В ходе обследования помещения в коммерческом магазине, указанном заявителем, была обнаружена и изъята алкогольная продукция без марок акцизного сбора.

Согласно экспертному исследованию изъятая продукция опасна для жизни и здоровья потребителей.

Материалы проверки по данному факту прокуратурой направлены в следственные органы для решения вопроса об уголовном преследовании.

По результатам их рассмотрения возбуждено уголовное дело по признакам преступления, предусмотренного ч. 1 ст. 238 УК РФ (хранение в целях сбыта товаров и продукции, не отвечающих требованиям безопасности жизни или здоровья потребителей).

А. АХМЕДОВ,
заместитель прокурора района, советник юстиции.

По материалам проверки прокуратуры района возбуждено уголовное дело о мошенничестве

Прокуратура Магарамкентского района провела проверку по обращению местной жительницы незаконном изъятии у ней земельного участка.

Проверка показала, что неустановленные лица путем обмана и злоупотребления доверием пенсионерки завладели правоустанавливающими документами на перешедший к ней по наследству от покойного супруга земельный

участок площадью 1500 кв.м. в селе Самур Магарамкентского района.

На основании изготовленных злоумышленниками фиктивных документов была произведена государственная регистрация права собственности на земельный участок на лицо, не имевшее законных оснований для его приобретения.

Материалы проверки по данному факту прокуратурой направлены в следственные орга-

ны для решения вопроса об уголовном преследовании.

По результатам их рассмотрения 26 июня 2015 года возбуждено уголовное дело по ч. 2 ст. 159 УК РФ (мошенничество).

Ход расследования уголовного дела прокуратурой района взят на контроль.

М. АПАЕВ,
заместитель прокурора района, советник юстиции.

Януковича вичик тахсир квач лугъузва



УКРАИНАДИН виликан Президент Виктор Януковича Майдандин иштиракчийриз гуьлле гунай вичик тахсир квач лугъузва. Адан гафаралди, ада хатасузвилини кьуватриз демонстрантриз гуьлле гунин буйругъ ганач. Идан гьакъиндай ада 23- июндиз

ВВС-диз интервью гудайла малумарна.

Януковича кьейдна хьи, ивиар экъичунин вилик пад кьун патал бес кьадар кьвалахар авунач, амма ада тахсир аксивал кьаулурзавайбурук ва гилан властрин арадай тир радикалрик кутуна.



Литературадин йис



Исмихан КЪАДИМОВ

ЯЙЛАХРИН ГУЪРУЪШАР

Гатфар хъанва, кѳиб рахазва
Кѳил кхудиз вирикай.
Набататрин гуъзел хунча
Туькѳурзава чиликай.

Вахт я кѳакѳан синерал физ
Цуькѳед нефес кѳачудай.
Жув кѳезилдиз кѳаврах хъана,
Кѳурт акѳуддай далудай.

Сифте кѳекрен гѳарайдин ван,
Атанмазди кѳудеадай.
Экуьнин гѳед цавалламаз,
Нурлу сегѳер акаедай.

Хкаж жезва рагъ гѳуьлелай,
Тебиатдик чан кутаз,
Кѳушарин цѳиргъ цаѳуз физва
Адан аршдик ван кутаз.

Кѳуд пад кѳакѳан дагѳлар я,
Шад гуьгѳуьлди кѳачузва,
Гѳар са дагѳди вичихъ элкѳуьгъ,
Тек заз килиг лугѳузва.

Вазни кланда вун са кард хъиз,
Кѳукѳушрилай элкѳуьнар.
Гѳар дагѳларай кѳеѳе цуьк кѳачуз,
Булахар хъваз кѳекѳуьнар.

Суѳуз килиг, цуьквер аѳу,
Пагъ бедназар тахѳурай.
Абур анжах гуьзелвилер
Гѳиссдай касдиз аѳурай.

Вили, лаѳу, цѳару рангар,
Вири камбард цуьквер я.
Абур якѳин дагѳларин тѳвар,
Вине кѳазвай эѳер я.

Ина гѳар са цуькѳедихъ хас,
Ни жеда хуш атирдин.
Акѳи жеда ваз вун лукѳи хъанва.
Тебиатдин суьгѳуьрдин.

Гѳа и суѳун юѳѳвай виниз
Рехъ чѳугунва яйлахдиз.
Икрамзава фидай рекѳе,
Халкѳди шумуд булахдиз.

Цуьк цуькѳедиз икрам ийиз,
Гагъ виниз гагъ агѳуз жезва.
Гагъ назик гар секин хъижез,
Хъелайбур хъиз ялгѳуз жезва.

Гѳатта чилин пепеярни,
Вирин кѳушар, гѳайванар.
Чеб машгѳурна кѳеѳе-кѳевед жезва,
Далдам гатаз инсанар.

«Шарвили» поэмадай

Кѳайи булах, серин кѳачуз,
Лагъ кван инал вуж ала?
Инал вилер фѳейжанар хъиз,
Акахънавай руш ала.

Экуьн сегѳер, яваш - яваш,
Чил раѳѳинихъ катзава.
Булахдавай яд раѳѳинин,
Тик лишанра гѳатзава.

Булахдив гѳайи и гуьзел руш,
Лагъ кван гѳидаз нуш я ам?
Фадлай адахъ ялварзавай,
Шарвилидиз хуш я ам.

И гуьзел руш вуж ятѳа лагъ,
Раѳѳурмир вахт гѳавая.
Ам и хуьре чѳехи серкер
Кѳурбанан шад бала я.

И гуьзелдин тѳвар вуж ятѳа
Лагъ фикир ви хиялдин.
Дагѳда гатфар гуьрчегзавай
Суѳар я тѳвар Маралдин

Муьгѳуьббатдин мурадрик кѳаз,
Руш хиялра гѳатзава.
Шагъвард хура булут цѳраз,
Цаѳун аршдихъ катзава.

Адахъ хъайи шадвилерин
Ишигъ ава булахда.
Бирдан рушаз акѳи хъана вич,
Гѳатна садан кѳужахда.

Булахдай мад са чин аѳур,
Руш тадиз уях хъана.
Ам Шарвили вич хъана кѳван,
Ам суьгѳуьрдин мах хъана.

Гѳа кѳеведани икѳи жед лугѳуз
Гѳич фикирдиз гѳайид туш.
Кѳе кѳевед дуьшувш хъана ялгѳуз,
Ихътин гуьруьш хъайид туш.

Шарвилиди лагъана хъи,
Ихътин легѳе жагѳайла.
Вуна жаѳаб гудатѳа заз.
Кѳанид вуж я лагъайтѳа.
Амма сифте вуна лагъ заз.
Ваз кланиди дуьньяда.
Гуьгѳуьнлай зи шаклувал ваз
Аѳух хъана аѳаѳа.

Шарвили

Аѳерин хъуй иѳѳван гуьзел
И вун хайи дидедиз.
Муьгѳуьббатдин назик гѳезел
Гѳахъна вун зи рикѳе дуьз.

Суѳар

Вири дуьнья заз хъанва кѳе,
Ашѳи гѳа зи дамахдив.
Вун гуьзетай вил тѳаз рекѳе,
Аѳуѳкѳна и булахдив.

Шарвили

Гѳикѳи чир хъанай и гуьзел тѳвар,
А ви диде бубадиз,
Якѳин жерди иѳѳван ушар,
Вун цуькверин бахчадиз?

Суѳар

Аян хъанвай зи рикѳиз вун
кѳеведайди,
И булахдин яд зурзазвай галтад
жез.
Дагѳда экуьн шагъвар серин
жедайди,
Вун гѳекъ тахъун патал валай
алтад жез.

Шарвили

Зазни инал вун алайди аян тир,
Галукъзавай шагъвар захъ шад
гѳевес хъиз.
Адан ашѳи гѳиссзавай зун клубан
тир,
Ви жигердай кѳевезвай таза нефес
хъиз.

Суѳар

Заз аян тир кѳе зи ашѳи
кѳугѳеззавай,
Лекъ цавалай катзавай вун
кѳеведайла.
И булахдай ви кѳамат заз
акѳеззавай,
Дагѳдин шагъ хъиз вун зи мукъваз
жедайла.

Шарвили

Заз аян тир, залай вилик
дагѳлара
Кѳе вун авай, куьз лагъайтѳа
цаѳарлай,
Эхиримжи булут хъана авара.
Рагъ хъуьреззавай рѳекѳи алатиз
нурарлай.



Литературадин йис



Фикрет ГЪАЖИЕВ

УРТАХ АФАРДИЛАЙ...

К Ы С А

СА ЮКЪУЗ мирес Ямуди-на зенг авуна:

-Ваз кализ гудай хъуьтлуьн алафар хъанвайди яни? - хабар къуна ада

-Дуьз лагъайтла, ваъ,- жаваб гана за. -Са клунт! къван клватнава, мад ядай чкани авач.

-Зани иран бубади со-вхоздин багъдай чка къуна векьер ягъиз башламишнава. Къалин векъни ава, майданни члехиди я. Пака экуьнахъ фад дергесни къачуна жувни ша.

Меслят хъайивал, пака экуьнахъ фад, чантада фуядни туна, багъдиз рекъе гъатна зун. Чакадал агакъай са вад декъикадилаи иран бубани галаз Ямудинни атана акъатна. Жузун-качузун авурдалай къулухъ за галай члехид я лагъана Загъир бубадивай хабар къазва:

-За векъ гъинлай яда? Чка къалурнайтла, серинзамаз векъ ядай ман.

-Гъик! гъинлай яда?- суалдиз суал гун хъувуна Загъир бубади. -Чна башламишнавайвал пудани давамарда. Уртах яда чна. Ахпа стахапайвал авуна пуд клунтлани къада.

Галай члехида лагъайдал зунни рази хъана. Пудни цларце гъатна векъ ягъунив эгечна.

Са вад йкъалай векъ яна, клемерни къуна куьтягъна. Ахпа чун векьер клунтлара тунив эгечна. Загъир бубадидай эцигдай устлар хъана, зани Ямудина клемер шихинин елкендал эцигиз ялзавай ва клунтлунал алай Загъир буба-

дал агакъарзавай. Чна гъикъван векьер хкайтлани, тлуш гуз-гуз эцигзавай «клунтлунал» клук къвезвачир. Чахъ агакъзавайди гъа са гафар тир: «Гъваш! Хкажа!»

Эхир Ямудинавай эхиз хъанач:

Иран буба, ви клунтлал клук мус къведайди я? Ягъай векьерин члехи пай гъаниз фенва, мад къве клунтл къун хъувуна кланзавайди рикледай фенвани ви?

-Куьне лагъайвал ая. И зи клунтл эцигна куьтягъин, ахпа куьбурни къада чна.

Гъада лагъайвал авуна чна. Векьериз килигна чаз куьзе-кан кефи хаз клан хъанач.

Эхир Загъир буба члалал атана:

-Мад инал векьер хкимир. Хъайиди бесрай.

Чна куьквер аклуриз-аклуриз клунтлалай авудай Загъир буба элкъвез-элкъвез вичин клвалахдиз килигна. Ахпа разивилелди лагъана: -Маншаллагъ, пис клунтл хъанвач. Амма са къвед-пуд клем хъянайтла жезвайди тир.

-Гилани геж хъанвач, хъядаман ви маркуниз векьер, адакай тая жедайвал, -рахана Ямудин эхиз тахъана.

Загъир буба айгъамдин гъавурда акъуначни, я тахъайитла япалай авуначни чидач, ада вичин фикир секиндив лагъана:

-Гила адал акъахиз хъижедач. Хъайиди мад хъанва. Са гъвечли чна ял ягъин, ахпа куь клунтларни къада.

Амай векъерикай къун хъувур къве клунтл сифтегъандав

гекъигайла гъундуьшкадихъ галай ццибар хъиз аквазвай. Таран сериндик ацукъна термосдай чай хъвазвай Ямудинавай мад акъвазиз хъанач.

-Ваз деве акурди яни,- элкъвена ам захъ. -Акурди туштла, килиг: атлам деве, ибур къвед ламран шарклунтлар я.

-Ямудин, вун гзаф рахаз аквазва заз, -ван хкаж тавуна башламишна Загъир бубади.

-Чаз векъ ядай чка «Регъелдани» ава. Гъанай ягъай векъерикай сифте клунтл ваз къада за.

Са юкъуз ял ягъайдалай къулухъ, чун дергесарни гваз «Регъелдиз» рекъе гъатна, чкадал агакъайла Загъир бубади лагъана:

-Зун маргъухъан хъурай. Куьн зи гуьгъуьна аваз ша. Руг акъудда чна инай.

Амма Ямудинни зун, меслят хъайивал, алай чкадилаи юзанач. Чун вичин гуьгъуьниз атун тавурди къатлай Загъир бубани акъваз хъана. Ада сив ахъайдалди Ямудина башламишна:

-Загъир буба, лезгийри «Уртах афардилаи къилди пипиш» хъсан я» лугъуда. Гъавилей чна векъ уртах ваъ, векъин чил пуд чкадал пайна къилди-къилди ягъин.

Загъир буба сифте Ямудиназ, ахпа заз килигна. А меслятдал зунни рази тирди къатлай ам кисна. «Уртах афардилаи къилди пипиш хъсан я» мани хъиз лугъуз-лугъуз чун уьруьш пуд чкадал пайна векъ ягъунив эгечна.

ЧИ ХАЛКЪДИН КАМАЛЛУ МИСАЛАР

*Авай гаф чинал лугьудай душмандикай ваъ, чинал чин чуьхуьдай дустуникай кичле хьухь.

*Акьуллубур чеб-чпихъ га-лаз душман жедач, ахмакьбур дуст жедач.

*Алчакдикай дуст кьадайд-ди вич алчак я.

*Ахмакь дустунилай акьул-лу душман хъсан я.

*Беъем тимди дустар кьадач, адаз дустар жагъида.

*Беъемсуз дуст жедалди тек амукьун хъсан я.

*Бурж вугудайла-дуст, бурж вахчудайла-душман.

*Буьркьуьди буьркьуьдан дуст жеда.

*Вафасуз дуст авайдаз душман герек туш.

*Ви душман кланзавайдаз вун кланзавач.

*Ви душмандин душман ви дуст я.

*Вири крарин цийиди, дустунин куьгьнеди хъсан я.

*Виш дуст тлимил я, са душман -гзаф.

*Виш манатдила са дуст хъсан я.

*Гьуьрметди гьуьрмет кьа-занмишда.

*Дуст авачирди беъем ин-сан туш.

*Дуст атайла, шадвал чуь-нуьхмир.

*Дуст галачиз душман ре-кьиз жедач.

*Дуст кьакъатна кланзава тла, адав пул бурж гице.

*Дуст кьун регъят я, ам хуьн четин.

*Дуст кьун регъят я, ам чи-рун четин.

*Дуст кьадаиди туш, ам вич-вичелай жагъида.

*Дуст кван душманни ава.

*Дуст кландатла, дустунин дустни клан хьухь.

*Дуст клева гьатайла, чир жеда.

*Дуст чиниз, душман кьвачериз килигда.

*Дуст чинал, душман кьу-лу хьай рахада.

*Дуст хвена кланда.

*Дуст хуьз кланзава тла, адан гьалатрилай гьил кьачу.

*Дуст цун юкьвайни акьуд.

*Дустни душман четин юкьуз чир жеда.

*Дустар галай суфрадал чуьнгуьр жеда.

*Дустар гур хьуй, душма-нар кур.

*Дустар хуьз алакьна кланда.

*Дустарал вил хьайиди свас жагъун тавуна амукь-да.

*Дустарин синихар гьу-сабдай кас дустар авачиз амукьда.

*Дустарикай куьгьнеди, шейэрикай цийиди.

*Дуствилелди гатлуна, душманвал ийидаиди вири-далайни алчак душман я.

*Дуствилелай хъсан затл авач.

*Дустунални вири сирер ихтибармир.

*Дустунив бурж вугумир.

*Дустуниз садрани тапа-рармир.

*Дустунин душмандикай-ни душмандин дустуникай мукъаят хьухь.

*Дустунин гьуьзгуь дуст я.

*Дустунин кваллиз, жуван кваллиз хьиз, алад.



БРАЗИЛИЯ, штат Амазонас. Рио Солимоэс вац алахьайдалай кьулухъ Анаман шегьерда ци басмишна-вай куьче. Бразилиядин чрезвычайный крарин министерстводин делилрай, 2015- йисан май ва июнь варца-ра марфар себеб яз яд акьалтунри 250 000 касдиз зиянар гана.



Дуьньядилаь цлар илитна

ВИРИДАЛАЙНИ ЭЙБЕЖЕР ИТИМ

УГАНДАДИН 47 йис хьанвай агъали, уьлкведа «Виридалайни эйбежер инсан» лагъай твар ганвай Готфрид Багумадилай 8 лагъай сеферда буба хьанва. 30 йиса авай паб Кейт Намандади адаз руш хана, хабар гузва Метроди.

Багумади гьисабзавайвал, илимдиз малум тушир са гьихтин ятлани азарди адаз азаб гузва. Виликдай ада чекмечи яз кваллахнай. 2002- йисуз и касди «Виридалайни эйбежер инсан» твар алаз кыле тухузвай конкурсда иштиракна ва гъалибни хьана. Ана иштиракунал ам хизандиз пул къазанмишун патал рази хьанай.

Гуьгъунлай Багумади пеше дегишарна. Алай вахтунда ада концертар гузва. Кейт Багумадин сад лагъай паб туш, виликдай ам маса дишегълидал эвленмиш хьанай, ада кьве аял хана. Амма папан вафасузвиликай чир хъайила, хизан чклана.

Багумади хиве къазвайвал, яргъал вахтунда ам Кейтан мукьва-кылийрикай чеб санал алайди чуьнуьхиз чалишмиш



хьана. Аял жедалди адаз чеб санал алаз акуна клан хьанач, адаз сусваз вич гадара лугъуз меслятар къалурдайбур хьунихъай кичлезвай. Гьакъикъатдани, аялдик кваз 6 варз тирла ам хъфена.

«За адаз лагъана: эгер вуна зун вун патал пар яз гьисабзаватла, хъфидай ихтияр види я. Фикирзава хьи, гуьгъунлай адаз вичин къисмет зун тирди чир хьана, гьикл лагъайтла, кьве вацралай ам элкьвена хтана. Инсан бегенмиш хъайила, масадбуру вуч лугъузватла яб гумир, рикли вуч лугъузватла гьам ая. Пул ва винел патан акунар акъван важиблу туш», - лугъузва Багумади.

Абуруз сифте аял 2008-йисуз хьанай. 2013- йисуз абуру эвленмиш хьана. Исятда абурухъ 6 аял ава.

ЧИНЕБАН ГЪАМБАРХАНА

НЕМСЕРИН ресторатор Сильвио Штельцер Саксонияда чинебан гьамбархана жагъана. Ана 1944-йисуз Адольф Гитлеран буйругъдалди недай дадлу затлар чуьнуьхарнай. Ресторатордин гафарай, чинебан гьамбарханада шампанское, коньяк, ниси, печенияр, консервияр, гумадал кьурурай колбасар, шоколад ва сигаретар авай. Абуру Берлиндивай 160 километрдин яргъа авай Морицбург кьеледин кланик лап деринда авай ругуд квалле чуьнуьхарнавай. Штельцераз чинебан гьамбарханадин гьакъиндай малуматар кьеледин виликан иесидин документрай жагъана. Абуру тестикулярзавайвал, армиядин офицерар патал тайинарнавай суьрсет Морицбург кьеледиз йифиз гьизвай. Продуктар Берлиндай авиациядин лув гунрикай хуьн патал акъудзавай.

1946-йисуз кьеледа бароккодин музей тешкилиз башламишна. Ам 1949- йисуз ачухна. (BiLd)/

150 АЯЛДИН «ДИДЕ» КЕЧМИШ ХЪАНА

КЪБИРГЪИЗИСТАНДА Ватандин Чехи дяведин йисара гьалкъада гьатнавай Ленинграддай куьчарнавай 150 аялдин диде хъайи Токтогон Алтыбасарова кечмиш хьана. «Йифен Бишкек» газетдин малуматдал асаслу яз, ам адан хайи хуьре Иссык-Кульский областдин Тюлский райондин Курменты хуьре 11-июндиз кучудна.

1941- йисуз Къбиргъизистандиз душманди гьалкъада тунвай Ленинграддай аялар гъиз башламишайла, Алтыбасарова духтуррихъ галаз санал гуьзердай аялрин яшар тайинариз ва абуруз тварар, фамилияр гуз чалишмиш хьана.

Гьикл лагъайтла, абурукай хейлинбуруз чпин тварар чизвачир. Дяведин сифте кылерай 16 йис хьанвай Токтогон, виридалайни савадлу дишегъли хьуниз килигна, Курменты хуьруьн Советдин председателвиле тайинарна.

И мукьвара кечмиш хъайи итимдихъ-фронтвикдихъ галаз санал ада вичин 8 аялни тербияламишна. Токтогон- ападихъ 23 хтул ва 13 шул ама.

Къбиргъизистандин президент Алмазбек Атамбаева Токтогон Алтыбасаровадин мукьва-кылийриз башсагълугъвал гана. Дяведин вахтунда ада «Аялрин патяхъай къайгъударвал авуналди ва фикир гуналди, абуруз мукьвавилеин ва чимивилеин гьиссер гуз алакьуналди хайи диде-

вал авуна», кхьенва государствондин кылин башсагълугъвилеин телеграммада.

«Цийивилер» РИА-дин малуматдал асаслу яз, Ватандин Чехи дяведин сифте девирда Къбиргъизистандиз 140 агъзурдалай гзаф ксар куьчарнай. Абурукай 16 агъзур, гьа гьисабдай яз 3,5 агъзур аял, душманди гьалкъада тунвай Ленинграддай гьанай. Гъвечи ленинградвийриз къакъан дагъда авай Иссык-Кульвирин патав гвай курортдин аялрин квалера чкаяр ганай. Невадал алай шегъердай тир диде-буба амачиз амуькай мад 800-дав агакьна аялар къбиргъизри чпин хизанриз къабулна.

СПОРТ



12-28-ИЮНДИЗ Баку шегьерда Европадин 1 - Къугъунар кыле фена.

Къугъунра 49 уьлкведай спортсменри иштиракна. Къуршахар кьунай, боксдай, дзюдодай, тхэквондодай хъайи акъажунра 25 дагъустанвиди 15 медаль къазанмишна: 6 къизилдин, 3 гимишдин ва 6 буьруьнждин. Чи ватанэгълийри 8 медаль Азербайжандиз, 6 медаль Россиядиз ва 1 медаль Польшадиз къачуна. Виридалайни гзаф чи спортсменри азаддиз къуршахар кьунай чпин алакьунар къалурна: 2 къизилдин, 1 гимишдин, 4 буьруьнждин медалрин сагибар хъана.

Гъа икӀ Азербайжандин киседиз 2 къизилдин, 2 гимишдин ва 1 буьруьнждин медалар лезгийри гъана.



СА ТИМИЛ ХЪВЕР КВАЗ

Хъсан инсан я властдивай,
я пулунивай чӀуриз жедач. Ву-
чиз лагъайтӀа, эгер вун
гъакъикъатда хъсан инсан
ятӀа, вахъ я ам, я муькуьд
са чӀавузни жедач.

-Зун кафедра ацукьнава, па-
тав са жегъил къевезва ва лу-
гъузва: «Гуьзел руш, куь па-
талай гъакъи за гайитӀа же-
дани?». Зун завай квахънач-
сумкадай квал чими авунай,
экуьнай, газдай, цяй... квитан-
цияр акъудна гададин вилик
эцигна.

Са сеферда колхозда Алла
Пугачевадиз ухшар авайбурун
конкурс кыле тухвана. Кон-
курсда чинеба халисан Алла
Пугачевадини иштиракна.
Амма конкурсда председател-
дин паб гъалиб хъана.

Магъарамдхуьруьн 2-нумра-
дин СОШ акъалтӀарайдан
гъакъиндай 2014 - йисуз
Рагъимханов Рагъимхан Рау-
фовичаз гайи 00518 -
000270098 - нумрадин аттес-
тат квахъуниз килигна **къуват-
да амачирди яз гъисабин**

Целегуьнрин юкьван школа-
дин коллективди

Рамазанов Сейфулагъ

кечмиш хъунихъ галаз алакьалу яз,
рагъметлудан юлдаш Гъавадиз, хва
Арифаз ва мукьва-кьилийриз дерин-
дай хажалат чӀугуналди башсагъ-
лугъвал гузва.

Магъарамдхуьруьн махсус
школа-интернатдин коллективди

Ферзиллаева Фейзеван

рагъметдиз финихъ галаз алакьалу
яз адан хизандиз ва амай вири багъ-
рийриз дериндай хажалат
чӀугуналди башсагълугъвал гузва.

Къилин редактор
А.ИСМАИЛОВ.

Газет гъафтеда
садра акъатзава.

Газет Магъарамдхуьруьн райондин адми-
нистрацияда регистрация авуна.
Регистрациядин № 301.

Редакциядин адрес: Магъарамдхуьр,
Ленинан куьче, 4.

Телефонар: редактор- 25-1-37, жавабдар
секретарь - 25-1-39, бухгалтер-25-9-69.

Чап ийиз вахкудай вахт - 16.00.

Чапун патал къул чӀугуна- 15.00.

Газет ООО «Самур» типографияда
гъазурна ва гъана чапна. 368780. Ма-
гъарамдхуьр, Ленинан куьче, 4.
Лезги чӀал.

**Индекс 63340. Тираж 1317.
Заказ № 28.**

+7